

元明事類鈔



欽定四庫全書

元明事類鈔卷三十

監察御史姚之駟撰

器用門

舟

迎風船 元史世祖命女直碩達勤達造日本迎風船

如弓鞋 西使記過呼爾察河渡船如弓鞋然土人云河

源出大南山地多產玉疑為崑崙山

白鷄海船 元史類編阿穆爾與王世強招討造白鷄海

船

黃鵠 元史張宏範攻宋師於焦山宋師大敗追至圖  
山獲黃鵠白鷄船數百艘

輪船 元史至元中宋帥范文虎遣都統張順張貴駕  
輪船饋襄陽衣甲

皮船 元史類編舒穆魯安扎攻叙州軍不得渡乃聚軍  
中牛皮作渾脫及皮船乘之泳化編高煦謀不軌作

皮船以習水戰

龍船 元史內苑造龍船首尾長一百二十尺旁畫雲

霞飾以五彩金裝水手二十四人衣紫衫金荔支帶  
自後宮至前宮山下海子內往來遊戲其行時龍首  
眼口爪尾皆動皆帝自製其樣

畫地為船 元史劉整造船五千艘日練水軍雖雨不  
能出亦畫地為船而習之得練卒千萬人

祭檣 明陸欽賢識錄太祖初渡江御舟瀕危得一檣

金定四庫全書  
卷三十  
以免令樹此檣於一舟而祭之遂為常制今在京城  
清涼門外

白舟 剪勝野聞太祖與偽漢戰於湖時乘白舟漢主  
以赤龍船厭勝及戰王師大捷因制令以赤船載俘  
囚白船給官胥

混江龍 明通紀王師敗陳友諒兵於龍江獲巨艦有  
混江龍塞斷江撞倒山海江鰲諸名

滿江紅 碧里雜存高祖欲圖集慶與徐達間行買

舟以觀江南虛寔元旦發舟舟人打號子曰聖天子  
六龍護駕大將軍八面威風高帝甚喜登極後訪之  
并封其舟而朱焉故今江中渡船皆謂之滿江紅

龍舟鳳舸 西元集瓊華島有水殿二一歲龍舟一歲  
鳳舸舟首尾刻龍鳳形上結樓臺以金飾之

方船 水部備考方船製長十丈九尺濶二丈九尺五  
寸為方形嘉靖於禁苑成造以備用

錦帆涇 楊儀壟起雜事姑蘇城內於川士誠嘗以彩

漆金花舟施錦帆載美人泛此使伎女唱尋香採芳  
之曲後遂名為錦帆涇高啓詩水遶荒城柳半枯錦  
帆去後故宮蕪窮奢畢竟輸漁父長保西風一幅蒲  
毀舟 皇甫汭集吳郡巨麗寔為水區宏舸連軸巨艦  
接艫治者惡其崇奢蕩志議將毀舟示以甲令焉先  
生曰此剖斗折衡裂衣斷帶之禁也

拖床 帝京景物畧海子冬冰堅一人挽木小兜驅如  
衢曰冰床雪後集十餘床鑪分尊合月在雪雪在冰



東南未曾有也明劉玉詩行人冰上引拖床按沈存  
中筆談冬月作小坐牀於冰上拽之謂之凌床則宋  
時已有此然其名異故錄之

酒案 袁中道詩荷花為塵尾酒案代遊舟自注御河  
不敢用舟以釀酒者盛水之案如長盆可坐十人名  
曰酒案

敵炮碎舟 卓異記上與友諒戰劉基在御舟忽躍起  
大呼上亦驚視但見基雙手揮之連聲曰難星過可

金定四庫全書  
卷三十  
更舟上悟急過他舟未半胸前舟已為敵炮擊碎

浮梅艦 黃汝亨集余遊黃山見竹筏行溪間好事者  
載酒從之甚適歸而謀於西湖製之地里志云有梅  
湖者以梅為筏沈于此湖有時浮出至春則開花浮  
滿湖面因題所製曰浮梅艦

刺鳥獸形 獻徵錄陶諧為河南副使治理河道人渡  
河每中流苦舟人窘索登岸不識姓名無所控訴公  
令舟刺鳥獸形有被害者即指形詣告今天下津渡

多刺鳥獸自公始

雲母舟 明薛蕙行幸南京歌燕姬玉袖抱箜篌馬上  
常隨翠輦遊春來照影秦淮水愛殺江南雲母舟

竹船 沈一貫若耶溪詩編竹為船任所之高低白石  
上灘遲

十錦船 明錢復亨詩誰家樓外停歌舞又上西湖十  
錦船

不繫園 明汪汝謙畫舫詩序偶得木蘭一本斲而為

舟入門數武堪貯百壺次進方丈足布兩席曲歲斗  
室可供卧吟側偃壁厨俾收醉墨出轉為廊廊升為  
臺陳眉公題曰不繫園佳名勝事傳異日西湖一段  
佳話也

蓮葉樣 陶望齡西湖莊詩艇子舊裝蓮葉樣吳兒殊  
有串珠喉

車

青質赤質 元輿服志玉輅青質金裝金輅赤質金裝

象輅黃質金裝革輅白質金裝木輅黑質金裝

許乘小車 元史趙世延拜中書平章政事固辭不允

詔以世延年高多疾許乘小車入內

賜車入禁 元史葉李有足疾詔賜大小車各一許乘

小車入禁中仍給扶升殿

五雲車 元氏掖庭記宮中制五雲車車有五箱以火

樹為檻式烏稜為輪轆頂懸明珠按五方色張蓋結

錦為重雲復頂中箱為帝座外四箱為妃嬪座每晦

夜遊幸御此以行不用燈燭

馳車 納延詩翠憶金車錦駱馳芙蓉繡褥坐雙娥

羶車 許有壬詩齋厨供玉食毳索出羶車

蠶裏繭 袁奩車行詩隆如龜戴殼縛如蠶裏繭

八輪 名山藏工部尚書毛伯温以意制八輪車前後

聯絡隨地夷險為低昂工作易就上聞之喜賜賚甚

渥

古銅車 明陸容雜記太監韋通于徐州桓山寺鑿井

得獨輪銅車色綠如瓜上有識云陸機造憲宗時以  
進于朝受賞頗厚

步輿 萬厯注畧張若正請假歸葬真定守錢普叔為  
步輿以媚之前軒後寢二童子侍揮篋炷香用三十  
六人舁之

僦車一乘 弇州別記石瑄為相會有飛語中傷者因  
請罷僦露車一乘行圖籍行李皆在焉自嘉靖中閣  
臣廉貧無踰瑄者

鈔定四庫全書  
卷三十  
抵按摩 陸深南巡日錄時扈蹕上車嚴介溪宗伯向  
予云坐車可抵按摩

橫板 史概明世宗示夏言罪諭云言於禁中乘輿詰  
之乃云橫板

惟車一輛 明紀成化中陳選既貴顯服先人舊衣帶  
客至瓦器蔬食官廣東布政行裝蕭然惟車一輛而  
已

几



琴几 黃庚詩柳陰分綠籠琴几花片飛紅落研池

歌几 試莊 玉堂叢話高皇召方孝孺使見太子賜宴

故歌其几以試之孝孺必正之乃坐高皇使人覘之

喜謂太子曰此莊士也當老其才以輔汝耳

設低几 名世類苑張元禎為日講官上命設低几就  
而聽之蓋張短小不及四尺然聲音朗徹上亦起敬  
故設此几以便之

杖

龍頭杖 元史帝以所御金龍頭杖賜石天麟曰卿年老出入宮掖杖此可也

杖指滅火 續通考元僧振歲主性慧居鄆城西寺一

日往定海見主家火起以杖指之乃反風而滅

杖為馬 元史舒穆魯明安為童子時嘗騎杖為馬令羣兒前導行列整肅無敢誼譁者父老見而異之

楷木杖 郝經集拜謁孔林家長翁以楷木笏杖各十相貽為賦此詩宋濂集有楷木杖行

鐵靈杖 楊維禎杖賦序故吏魏韞得鐵靈杖以壽予  
因感而賦伊珍木之托根兮乃在澹崖之山孕祝融  
之火德兮食炎海之鹹泉得大椿之春秋兮曾不記  
年之幾千

烏木杖 姚燧烏木杖賦炎海之山珍木產焉金為之

聲石與其堅豨結伐荷投諸龍淵歲月祀之化而為  
元折而杖之奔走相餉試扶衰以起策觸爪甲而鏗  
響必求同於所異纔黑蛇之彷彿

金定四庫全書  
卷三十  
梅杖 劉因梅杖詩鐵石心腸冰玉姿掌中潛得歲寒  
枝天教一握歲春密風送餘香袖手吹

琢棘杖 泳化編太子諫高皇誅夷太過上一日以棘  
杖遺地命太子持太子難之上曰汝弗能執我潤琢  
以遺汝可乎今所誅者皆棘杖也

代鳩杖 明馮時可集王少湖父病劇一夕十數起先  
生卧不交睫微聞警歎則躍然起立為代鳩杖

杖竹生枝 邵寶集羅孝子瑋居母喪病而廬卧所杖

竹倚壁生枝葉

投杖起 明紀事本末燕王欲殺謝貴張昺稱疾愈曳杖坐賜宴行酒忽怒且詈于是護衛軍直前擒貴昺等王投杖起曰我何病迫于若奸臣耳

簫杖 明謝常簫杖者黃大痴之珍玩也湘竹一枝脩不逾五尺竅兩節間而吹之聲清剛而竒明丁遜咏簫杖詩吹時只恐成龍去策處常疑作鳳鳴

記方竹杖 李日華集學士詹同以方竹杖一枝獻太

欽定四庫全書  
卷三十  
祖太祖大喜親洒翰成方竹記一篇授之

點雪挨花 夏言咏杖詩寒溪點雪鳩頭白春徑挨花

鶴膝紅

龍杖 王穉登龍杖詩何必葛陂方化去只今已作老

龍吟

過眉筇 陳獻章詩獨來橋畔路高拄過眉筇

牀

五山珍 元史世祖為五山珍御榻置廣寒殿

鏤金牀 明紀事本末江西行省以友諒鏤金牀進太祖曰此與孟昶七寶溺器何異命毀之

蹴床 泳化編陳友諒偽丞相詣降請禁止若干事太祖有難意劉基自後蹴所坐胡床太祖悟遂許之

象牙飾床 明史藁許存仁以博士告歸僉事程孔昭勅存仁寓杭娶妾以象牙飾床失師臣體詔安置韶

州

竹床生葉 雙槐歲抄南海黃蕭養為盜在獄逾年所

卧竹床皮忽青色漸生枝葉同禁者以為瑞教之越  
獄遂嘯聚羣盜攻圍郡邑僭王改元後伏誅

草榻 明僧清珙詩草榻夢回窻有月竹爐茶熟竈無  
烟

席

金絲簟 癸辛雜識楊璉真伽發宋諸陵梓宮皆藉以  
錦錦下承以竹絲簟取者往往擲地有聲盖金絲所  
織云



蒲花席 元氏掖庭記順帝為英英起來芳館設唐人  
蒲花之席唐人高麗島名產蒲花草性柔而澤土人  
編之為席

餽簞無名 內閣行寔廣東布政徐竒來朝載土簞諸  
物以餽廷臣楊士竒獨無名

玳瑁席 鴻一亭筆記北京工部庫有玳瑁席經緯相  
錯若莞與蒲不知何代物

象簞 野記安南鄧上舍說其祖初入朝時貢象簞金

枕象簟者凡象牙之中悉是逐條縱攢于內用法煮軟逐條抽出柔靱如線以織為席

卻簟 明紀事本末洪武元年蘄州進竹簟命卻之仍令四方毋妄獻

席止城外 玉堂叢話朱恭靖公為禮部侍郎家載席一車為公買宅費都城宦者止之且云必得一刺以別真偽公弗許家人云必入乃得利公曰不得利又何妨乎竟止城外平價售之

一簞幾工 王廷相蘄民謠龍鬚作席光似電暑眠不  
及蘄陽簞涼如水滑如藤一簞幾工能織成官府取  
之只一聲有價誰敢爭

枕

碧玉枕 元史至大中以內府碧玉寶枕賜王磐

菊枕 馬祖常菊枕詩東籬米采數枝霜包裹西風入  
夢涼半夜歸心三徑遠一囊秋色四屏香牀頭未覺  
黃金盡鏡底難教白髮長幾度醉來消不得卧收清

氣入詩腸

枕易 黃庚枕易詩古鼎烟銷倦點朱脩然高卧夜寒  
初四簷寂寂半床夢兩鬢蕭蕭一卷書日月冥心知  
代謝陰陽回首驗盈虛起來萬象皆吾有收拾乾坤  
在草廬

雞鳴枕 客座新聞偶武孟為武岡州幕官因鑿渠得  
一瓦枕枕之聞其中鳴鼓起插一更至五更次第不  
差既聞雞鳴亦三唱而曉以為鬼怪碎之見其中設

機局以應夜氣識者謂此武侯雞鳴枕也

屏

吐霓 元氏掖庭記有吐霓屏風火齊屏風

奎章石屏 道園學古錄天子在奎章閣有獻文石者其陽丹碧光彩有雲物山川屋邑之形其陰紫潤可書可鑄命臣集記諸而攻材製匠廓植以為屏焉

進御屏 萬歷注畧張居正進御屏一座中三扇繪天下疆域圖左六扇列文職名右六扇列武職名用浮

帖以便更換上命張文華殿

龍水御屏 邵竇詩龍躍九淵屏隔座自注文華御屏

彩漆龍水日本貢物也

雕燈屏 秦徵蘭天啓宮詞裕妃笑指燈屏問雕到寒

梅第幾枝自注上好雕鏤木器護燈小屏八幅手刻

寒雀爭梅令小璫鬻之仍諭以御製之物價湏一萬

巫峽巴江 顧瑛石屏詩秀潔庚庚絕文理十二巫峯

橫隱起芙蓉照影立亭亭遠落巴江一江水

夾紗燈屏 明吳兆賦夾紗燈屏詩逶迤一片影匿匝  
九枝華曉戶鶯窺鏡春窻蝶誤紗

藤障子 湯顯祖萬州藤障子詩劍門藤絲如髮細織  
作爭先出新意十二雲屏海上來平波瑩熨瀟湘字  
連張 徐賁咏屏詩密防宜便坐連張須廣筵

簾

簾押 元經世大典親王納妃公主下降皆有銀蒜簾  
押幾百雙

虎皮簾 貢師奉進講詩黃金為帶玉為檐劍戟如林  
衛紫髯也受儒臣勤講讀向前輕揭虎皮簾

琉璃簾 馬祖常咏琉璃簾詩萬縷橫陳銀色界一塵  
不入水晶宮

玳瑁簾 鴻一亭筆記北京工部庫有玳瑁簾橫數尺  
其長倍之四旁縫以錦繡

朱筠紫壇 瑣綴錄成化中閣門則夏秋懸朱筠簾冬  
春紫壇簾



珠光瑣影 沈周咏簾詩珠光蕩日花如夢瑣影通風  
笑有聲

扇

雉扇 元輿服志有大雉扇中雉扇小雉扇

暖窻 歐陽元詩十月都人拱暖窻

搖筵鋪壇 明紀事本末神宗敬禮張居正盛暑御講  
就居正立處令內使搖扇詳見經筵

卓影辟邪 陸容雜記奉天門朝座後內官持一小扇

黃絹裏之問一老將軍云非扇也其名卓影辟邪永樂間外國所貢竟不知為何物

貢扇

明紀事本末萬曆中四川貢扇不至布政使等

俱降調崇禎間免四川貢扇三年明陳三島川扇詩

險絕蠶叢地由來宮扇傳大都白帝竹盡用錦官箋

以扇擲地

獻徵錄王雲鳳先生生而舉止端重十一

歲時或借其扇至妓家先生知之後扇還擲地不取

倭扇

明馮時可續錄外國道人利瑪竇贈余倭扇四

柄合之不能一指輕而多風且堅緻

繪魏徵像 獻徵錄尹直在內閣上出牙骨摺扇繪魏

徵像併書御製良臣頌以賜

返象扇 明王時槐集劉侍講戩使交交地苦炎其館

伴進一象骨扇及出關以其扇返之交王謝表有廷

臣清白之語

貂扇 明紀事本末劉瑾冬月團扇飾以貂皮

不敢揮扇 李元陽集張時宜教授建昌與郡人羅近

漢倡明道學每登講席同人咸聽雖盛暑不敢揮扇  
金鉸篋 夏言集上璽書云爰賜彩篋金鉸象飾與卿  
同涼用滌炎熱

扇癖 陳繼儒集荆溪陳定生博學嫻文有扇癖如沈  
唐文祝匏菴荆川而下種種書畫名家皆出自匠心  
形於便面定生收藏賞鑒可稱好事

扇贊 方孝孺扇贊大火流金天地為爐汝於是時伊  
周大儒北風其涼雨雪載塗汝於是時夷齊餓夫噫

用之則行舍之則藏惟我與爾有是夫

頃詩扇 明史藁揚州知府劉鐸有才藻憤忠賢亂政

作詩書僧扇有陰霾國事非句頃者得之倪文煥遂

嘆忠賢逮治焉

賜扇 于慎行賜畫面川扇詩九華彩扇貢巴東午日

承恩出漢宮

類鳳翎 吳彩詩倭人小扇宋東溟粉箋摺疊類鳳翎

揮洒字畫 李日華集摺疊扇古名聚頭扇元時倭人

始貢永樂間稍效為之至揮洒字畫則始成化間

宮扇題詩 萬歷注畧上出宮扇三十柄命講官六人

題詩各書四柄

引風 明僧大逐秋扇詩莫以涼風多棄捐敝篋裡試

記無風時是誰引風起

雁羽扇 明曹文晦雁羽扇詩幾揮赤壁千年敵借得

衡陽六月秋

金翅 薩都拉詩雙鳳曉開金翅扇六龍春駕五雲車

榴鬕墜 湧幢小品世廟賜勲輔大臣畫扇有木刻海榴鬕墜墜子寸許穴其腹歲象刻物凡百件亦天下絕巧也

鏡

前知鏡 元好問集陽曲劉氏寶鏡能照天地四方以前知休咎常埋地中泰和中北方兵動欲卜之乃握鏡出光耀爛然鏡中見北來兵騎無數餘三方俱無所覩因大駭即埋之

鏡體不正 典故紀聞太祖謂侍臣曰朕嘗發庫中古

鏡十餘以鑑貌多失真召工人問之言模範不正故  
鏡體偏邪照人失真夫鏡一邪不可鑑形况人君之  
心不正何以主宰萬物

掘鏡兆忠 今獻脩遺孫忠烈燧初於廳事前掘得古  
鏡背刻篆字有昭明光運忠扶日月等語後竟死忠  
盖先兆云

辟瘡鏡 郎瑛續已編吳縣陳氏傳古鏡一凡患瘡者  
照之必見一物附于背其狀蓬首鰲面糊塗不可辨



一舉鏡而此物如驚奄忽失去病即時愈蓋瘴鬼畏見其形而遁也

水能發光 西吳枝乘鏡以吳興為良範金固不殊其水清冽能發光也知名者薛氏

見墓中人 野史成化時宿州農夫于古墓獲鏡磨炤之見墓中人僵卧獨帶弓矢驚撲於地又見農家室戶男女宛然以為恠擲之

遠鏡 帝京景物畧大西洋工奇器有遠鏡狀如尺許

竹筍抽而出出五尺許節節玻璃眼光過此則視遠者近小者大啓崇野乘薄珎造銅炮擊賊及三十里又設千里鏡以偵賊之近遠

眼鏡

吳寬謝人送西域眼鏡詩眼鏡從何來異哉不可詰

圓與菱錢同淨與雲母匹持之近眼睂偏宜對書帙蠅頭瑣細字明瑩類椽筆世傳離婁明雙睛不能沒

古銅好 揭傒斯何郎失鏡詩街頭不直半緡錢古銅終較今銅好

粉綿磨 瞿祐美人畫眉歌粉綿磨鏡不聞聲彩鸞  
影落瑤臺裏

透光鏡 麻九疇透光鏡詩奩開燿燿光走庭劃如刺  
犀乍脫鞘

爐

卧褥 元陳樵卧褥香爐賦藻繡叢中不火而然香生  
襍纓五色非烟援衾拂席銀黃可鑑動如丸走止與  
輪停觸鈿函而不轉環綬笥以如縈

宣銅首爐 帝京景物畧廟市器首重宣廟之銅宣銅  
爐其首宣爐惟色不可偽為其色黯然竒光在裏望  
之如一柔物可接指然迫視如膚肉內色蘊火熱之  
彩爛善變

爐價必翔 薛岡筆餘本朝永樂宣成正嘉密器與宣  
廟銅爐數百年後價視宋時諸瓷商周彝鼎必翔然  
宣爐在今日已不多得矣

浴金爐 高啓詩浴金熏爐鏤玉奩蘭香今夜為君添

宜火宜香 明張士昌宣爐歌吁嗟乎此爐不可狀南  
鑄北鑄徒多樣曰除獸面象鼻與分襠戟耳魚耳斯  
為上近來蘇鑄巧益精終然北鑄稱良匠爐所以者  
質不同自宣鑄後更無兩贗者寧非名手造至妙難於  
向人道彞鼎青綠陳設多宜火宜香宣爐好

圍爐三百 王文祿機警開濟館某尚書家上郊祀索  
白染圍爐三百尚書窘迫濟教截矮卓脚鑿圓孔白  
紙糊之取鐵鍋為爐如數進上喜詰之舉濟

欽定四庫全書  
卷三十  
圓爐 明集禮明以黃金為圓爐大口細頸巨腹三足飾以鈿花有蓋為蹲龍形二飛鳳為耳

香

勝梅香 劉秉忠焚勝梅香詩春風吹滅小檠釭夢斷  
爐香結翠幢簷外杏花橫素月恰如梅影在西窓

香墜 張昱宮中詞尋出塗金香墜子安排衣線撚春  
綿

香毬 元輿服志儀仗香毬以銀為座上插蓮花爐罩

以圓毬鏤網緼旋轉紋於上黃金塗之

漚手香 水南翰記經筵所展書官進詣御前跪出漚手香注漚手香名太醫院每歲製此以分餽各官

沈香街 觚賸項墨林游金陵妮一妓歸搆沈水香為床復以紈錦製衣遺之入門值有客妓顧項若不識者他日項命潔前堂舁床其中闔院爭來酒半忽抗聲責妓呼僕出篋中衣裂之碎床焚于庭烟焰裊空遍城聞異香累日因名此街為沉香街

辟蟲香 典故紀聞宣宗時尚衣監需辟蟲香二萬斤乞差人收買上曰此非急務不必遣人且香藥安用許多其減十之七

購龍涎 湧幢小品嘉靖時宮中龍涎香悉燬於火上命再購尚書高耀進八兩上給價七百六十兩加太子少保

甜香 考槃餘事甜香惟宣德年製清遠味幽鐔黑如漆白底上有燒造年月



解家香 吳寬謝人送解家香詩煖烟盤出絲縈碧細

肩圓成箸削金始信解家真得法清泉餅莫送詞林

香墮沼流 明史藁美洛居在東海中地有香山雨後

香墮沼流滿地拾起不竭其首委積以待商舶之售

萬春香 夏言賜萬春香詩黃紙重封護絳囊銀罌滿

貯萬春香

衣香 明馮汝訥餉衣香詩湘君褰薜荔魏帝采靡蕪

盤龍連理帶翠鳳合歡襦

燈

罷張燈 元史仁宗欲以元夕張燈宮中張養浩諫遽命罷之

走馬燈 元謝宗可走馬燈詩颺輪擁騎駕尖精飛遶人間不夜城又秦軍夜潰咸陽火吳炬宵馳赤壁兵  
麥燈 王士騏詩序上張燈後苑以麥燈居中吾州所產也詩織就絲絲冰比潔鏤成葉葉玉分光

市羊角 名世類苑正統初下有司市羊角以製燈耿

清惠巡撫江西諫止之

米家燈 明詩話米按察萬鍾築勺園海淀之北自念  
不能日涉因繪園中景為燈邱壑亭臺纖悉具備都  
人爭尚之號曰米家燈明呂邦翰詩玉綃疊出上元  
村雙炬懸來景物繁恍惚重遊邱壑裡米家燈是米  
家園

觀燈送女 焦竑筆乘史癡翁豪俠不羈女笄當嫁婿  
家貧不能具禮說詞攜之觀燈與其婦送之婿家大

金定西廂全集  
卷三十  
嚶而去

燈市 帝京景物畧永樂時令元宵節賜百官假十日  
燈市在東華門亘二里九市開場貨隨隊分向夕而  
燈張樂作烟火施放明汪厯賢燈市竹枝詞長安燈  
市晝連宵游女爭呈馬上腰蹋蹋燈光莫歸去前門  
釘子玉河橋

料絲燈 明薛蕙咏料絲燈詩霏微狀蟬翼連娟伴網  
絲烟空不礙視霧弱未勝持

屏風燈 李東陽屏風燈詩春步轉迷絲作障夜遊翻  
訝錦為衣

老人燈 明詩話李空同就醫京口故自矜重元夕張  
飲王四樓磐在下座賦老人燈云形骸憔悴不堪描  
還自心頭火未銷自分不知年老大也隨兒女鬧元  
宵空同心知其嘲默然而罷桑民懌咏老人燈詩得  
火常時能煖腹避烟終夜只搖頭

墨紗燈 曹學佺墨紗燈詩憑將彩筆畫認作剪刀

鏡定四庫全書  
卷三十  
栽鳥向空中度花從鏡裡開

冰燈 燕都遊覽志燈市有冰燈細剪百彩澆水成之  
唐順之冰燈詩燭花不礙空中影暈氣宜從月裡看  
幕方空 明史藁田貴妃多巧思宮中燈縷金奩匣妃  
三分其圍去一方空而以輕綃幕之欲其明也

石鐙 明張統咏高麗石鐙詩竅石燭幽遐虛明詎異  
紗珠從箕子國藝向竺王家何景明石鐙詩石盃何  
年鑿瑤燈此夕燃

卯燈 胡應麟刺言嘗於燈市見一燈皆以卯殼為之  
為燈為蓋為帶為墜計數千百枚每殼必開四門皆  
有攘拱窓楹金碧輝耀一中官以三百金易去

毬燈 王世貞詩夜半毬燈出未央

魷燈 續通考永樂中增定鹵簿有魷燈三對

珠燈 王叔承宮詞珠燈別起珊瑚架引得君王帶醉  
來

泡燈 李東陽集上元節京師燒糯汁為瓶以貯水蓄

魚旁映屏燭通明可愛俗呼為泡燈

燈蘭 明周容燈蘭賦序作客暮春朋酒卜夜清歌乍  
歇燭影猶高有起剔煤心裁以攬挾者吐燄如蘭三  
四而燼感為賦之

河燈 帝京景物畧京師七月十五日諸寺建盂蘭盆  
會夜於水次放燈曰放河燈

燈謎 明人元夕詩猜殘燈謎無人解何處平添兩鬢

絲



蟲蠟 羣芳譜古澆燭皆蜜蠟此蟲白蠟自元以來人始知之今則為日用物矣

杯

用青瓷 元史何榮祖身至大官而僦第以居飲器用青瓷杯中宮聞之賜以上尊及金銀以旌其廉

大樽 元史世祖造大樽於殿樽以木為質銀內而外鏤為雲龍高一丈七寸

奔月卮 張雨奔月卮歌覽社明珠奔月脫殼政似

金定四庫全書  
卷三十  
風蟬潔一扇桃核寬有餘半葉蕉心卷未舒飲非其  
人躍入水恠雨盲風生座隅

鞋杯 雲林遺事楊廉夫一日與元鎮會飲廉夫脫妓  
鞋置酒杯其中名曰鞋杯元鎮見之甚怒連呼齷齪  
而去西湖遊覽志鐵崖訪瞿士衡飲次脫妓鞋置杯  
行酒名曰鞋杯謂其姪孫宗吉詠之宗吉作沁園春  
以進

成窻如紙 帝京景物畧成窻酒盞薄纔如紙神廟光

宗尚前窯器成窯一雙值十萬錢矣吳偉業詩故國  
滿前君莫問淒涼酒盞鬪成窯

宣窯字畫 觚不觚錄窯器當重哥汝而十五年來忽  
重宣德以至永樂成化價亦驟增十倍大抵吳人濫  
觴而徽人導之謝在杭集宣窯不獨款式端正色澤  
細潤即其字畫亦精絕

磁盃見朕 卓異記上最寵遇夏原告一日賜茶杯是  
白磁公覺其異為一注目上曰以賜卿令卿子孫世

世見朕也今盃為其家世寶無心視之內有永樂二字久視不見

翠甌 泳化編宣宗一日命尚方取一翠甌賜蹇公既乃笑曰卿夫人得無競乎加賜一馬

見日月 王宇泰筆塵劉貽哲為海南市舶提舉云見一犀杯注酒晝則日夜則月見于酒中酒盡則隱

卵幕杯 李日華集浮梁吳十九能吟善書隱陶輪間所製精磁妙絕人巧嘗作卵幕杯薄如雞卵之幕瑩

白可愛一杯重半銖明樊玉衡詩宣窰薄甚永窰厚  
天下馳名吳十九

椰杯不忠 明通紀鐵冠道人結廬鍾山下藍玉攜酒  
訪之道人野服出迎玉以其輕已不悅酒行戲曰吾  
有一語先生屬對脚穿芒屨迎賓足下無禮道人即  
指玉所持椰杯覆之曰手執椰杯作盞尊前不忠玉  
武人不悟其意

壓手杯 帝京景物畧永窰之壓手杯傳用可久價值

甚高

鑄犀玉杯 明紀事本末編修吳中行檢討趙用賢勅  
張居正忘親貪位予廷杖即日出國門人不敢候視  
庶子許文穆鑄玉杯一曰斑斑者何卞生淚英英者  
何蘭生氣追之琢之永成器以贈中行鑄犀杯一曰  
文羊一角其理沈默不惜刺心寧辭碎首黃流在中  
為君子壽以贈用賢

雞缸 帝京景物畧凡成杯茶貴於酒采貴於青其最

者鬪雞可口謂之雞缸吳偉業詞廠盒鬪雞鍾

匏杯 明巢鳴盛匏杯詩剖心香自發刮垢力須攻

瓶

大食瓶 吳萊大食瓶詩西夏有大食國自波斯傳茲  
人最解寶厥土善陶埏素瓶一二尺金碧燦相鮮晶  
漠龍宮獻錯落鬼斧鐫

刺篙得瓶 黃大癡居烏程西每坐湖橋看山飲罷輒  
投其瓶於橋下舟人刺篙多得之至今呼黃大癡酒

瓶

枯根借潤 袁桷張節婦瓶中杏枝著葉詩張氏之壺  
如截肪真火練質千年剛枯根借潤袁貞志慎勿語  
恠歸荒唐

因時因地 明張謙德餅花譜凡插花先須擇瓶春冬  
用銅秋夏用磁因乎時也堂厦宜大書室宜小因乎  
地也

花之金屋 袁宏道瓶史養花瓶亦須精良嘗見人家



所藏舊觚青翠入骨斑砂埴起可謂花之金屋其次  
官哥象定等窑媚細滋潤皆花之精舍也

古瓶宜花 瓶史古銅器入土年久受土氣深用以養  
花花色鮮明如枝頭開速而謝遲就瓶結寔陶器亦  
然

隱瓶 獻徵錄冷謙被逮乞水飲守者以瓶汲水與之  
謙遽以足入其中其身漸隱攜至御前輒於瓶中奏  
對詳見仙

盤

吮紅盤 帝京景物畧宣室之吮紅盤乃末西紅寶石  
塗泐燒出發古未有案吮亦作祭

景泰盤 明金薊孫崇禎宮詞賜來穀雨新茶白景泰  
盤承宣德甌

盒

廠盒 帝京景物畧別紅宋多金銀為素國朝錫木為  
胎永樂中果園廠製其法朱漆三十六次鏤以細錦

比元時劍環香草之式似為過之宣廟時啟器終不  
逮前乃私購內藏盤盒磨去永樂針書細款刻宣德  
大字濃金填掩而進之

剔紅盒 吳偉業詩剔紅香盒豆青盤

盒子會 明詩話舊院於月節有盒子會沈啟南為之  
圖并歌

漏

香漏 齊履謙集郭守敬進櫃香漏又作屏風香漏行

金定四庫全書  
卷三十  
漏以脩郊廟行幸

自製宮漏 元史順帝自製宮漏造木為櫃陰藏諸壺  
其中運水上下櫃上設三聖殿櫃腰立玉女捧時刻  
籌時至輒浮水而上左右列金甲神一擊鐘一擊鉦  
按更無差當鐘鉦之鳴獅鳳在側者皆翔舞櫃西東  
有日月宮飛仙六人立宮前遇子午時飛仙自能耦  
進度仙橋達三聖殿已復退立如前

燈漏 齊履謙集七寶燈漏亦守敬所進其中鐘鼓皆

應時自鳴納延詩珠懸殿幄晨光動燈轉紗籠刺漏  
長自注大明殿幄懸大寶珠于上中設郭太史所製  
燈漏

水晶刺漏 典故紀聞司天監進元所製水晶刺漏備  
極機巧太祖謂侍臣曰此所謂作無益害有益也命  
碎之

沙漏 宋濂集沙漏之製貯細沙於池而注於斗凡運  
五輪馬上貫于測景盤盤列十二時分刻盈百初灤

欽定四庫全書  
卷三十  
陽水善冰不能為漏新安詹君希元乃以沙代之  
鷺卵漏 李日華集西人利瑪竇一沙漏狀如鷺卵寔  
沙其中而顛倒滲泄之以候更數

印

別印鈕 元經世大典符印以示信也而印鈕之製則  
有龍獸蛇龜之別金銀銅雖異而又有三臺二臺之  
辨

駝鈕 元史世祖封皇子於雲南賜駝鈕金渡銀印

印不可與 元史張士誠稱吳王使人索行臺印章布  
哈特穆爾封其印置諸庫曰我頭可斷印不可與遂  
死之

賜圖書 明紀事本末仁宗賜蹇義楊士奇楊榮金幼  
孜繩愆糾謬圖書

碎盤取印 于慎行集殷文莊公士儋生而淵睿一歲  
即能言誕日示以碎盤取筆書秤及石印一他不復  
視後仕至大學士

鑄印 續通考明制各衙門印信俱禮部鑄印局專管  
鑄造俱有定式又有鑄換辨驗等例

瓢

飲椰瓢 劉因飲仲誠椰瓢詩君家匏落無所容江湖  
誰辨平生胸海南佳氣久鬱塞滯瀕似喜今相逢

泣瓢 王元美破瓢道人歌為吳孺子作也孺子常以  
數練市一大瓢朝夕摩挲陸離光怪過荆溪盜發其篋  
怒而碎之抱而泣者累日王元美為作破瓢道人歌



釜

草釜 元史太祖嘗困無所得食會一野馬來射之殪  
遂刳革為釜出火於石汲河水煮而啖之

舟中釜鳴 元史富珠哩孛生於舟中時釜鳴者三詳  
見生子

借釜立礫 弇州史料李文忠入杭州營於麗譙下令  
曰有擅入民居者殊死一卒下借民釜立礫以殉

自沸釜 楊慎集麻城毛柱史言平谷縣畊民得一釜

以凉水沃之忽自沸以之炊飴即熟下有諸葛行鍋  
四字鄉民以中有寶物碎之止複層中有水火二字  
耳

戒滿 方孝孺釜銘勿納非義以取滿盈非義多毒滿  
盈必傾

甕

煨顛仙 明卓異記上殿周顛仙命沃以燒酒覆以甕  
積薪煨之火息起視正坐宴然

懸樹作聲 明通紀成化中山東民穿窖得古塚一甕  
貯水輒涸懸樹上作聲恠而破之識者云此寶器能  
照數里

壺

龔春壺 明聞龍茶箋周文甫愛茶嘗蓄一龔春壺摩  
抄寶愛用之既久外類紫玉內如碧雲真奇物也

大彬沙壺 羣芳譜茶具宜雅潔今時大彬之沙壺士  
大夫皆珍之

壺子傳 明劉啓元壺子傳壺子字酌之其先錫山人  
質稍冥頑鎔化於將作大匠復為之切磋以成其器  
為人長喙大耳腹恢恢而有容

湯蘊之 明支廷訓湯蘊之傳湯蘊之陽羨產也狀貌  
雖不甚偉間修雅飾一準於時且火候足入水不濡  
歷金山玉泉碧澗咸為識賞

諸器

咏燭剪 元武伯英咏燭剪詩啼殘瘦玉蘭心吐蹴落

春紅燕尾香李日華集此詩上句無味因改之云吞  
殘月魄墓頤動蹴就花鬚燕尾香又改云朱櫻顆折  
金蟲動絳樹花殘玉燕斜更覺縹麗

風磨 耶律楚材詩衝風磨舊麥懸碓杵新粳自注西  
人作磨風動機軸以磨麥

牙刷 元郭鈺詩南州牙刷寄來日去膩滌煩一金直  
短簪削成玳瑁輕冰絲綴瑣銀駿密但當置我近清  
流莫遣孫郎空漱石

銅碌山 元好問集予家所藏銅碌兩小山以酒沃之  
清翠可摘

填漆 帝京景物畧填漆刻成花鳥彩填稠漆磨平如  
畫久愈新也明金聲觀宣廟填漆器歌宣廟填漆器  
如新初形以彫後色真惟填紛拏但一片礮磨施之  
色形見奴驅倭漆兄剔紅請為宣皇記考工

咏竹箸 名世類苑劉誠意初見上與坐賜食問曰能  
詩乎對曰能即舉所用竹箸曰試吟此基應聲曰一

對湘江玉細攢當年曾洒淚痕斑上曰秀才氣基曰  
未也即續之云漢家四百年天下盡在張良一借間  
得瓦券 徐渭集柳元穀以所得晉太康間冢中杯及  
瓦券來易余手繪詳玩券文似買地于神若今祀后  
土義非從人間買也

吞浪掠霞 李時勉剪刀詩吳綾剪處魚吞浪蜀錦裁  
時燕掠霞

子午鍼 明朱國祚瑣里行髻榮驗一綫鍼將子午求

欽定四庫全書  
卷三十  
萬屐齊擲 明雜紀周忠介被逮衆怒毆諸校尉詰曰  
旨從何出曰魏上公于是衆共擊持偽旨者時大雨  
堂下萬屐齊擲

竹爐 王綏題真上人竹茶爐詩氣蒸陽羨三春雨聲  
帶湘江兩岸秋吳寬集予遊惠山入聽松菴酌第二  
泉煮茶竹爐出於故王舍人孟端制古而雅

陀螺 帝京景物畧京師小兒二月謠云楊柳兒活抽  
陀螺楊柳兒青放空鐘楊柳兒死踢鞦子楊柳發芽



兒打拔兒案陀螺等皆小兒戲物名

水火爐 明徐克暖妹由筆國初叛器物前代所無者  
圍屏酒盤摺扇水火爐

倒掖氣 帝京景物畧京師正月於琉璃廠賣琉璃瓶  
盛朱魚別有銜而噓吸者大聲咏咏小聲啾啾曰倒  
掖氣

玉雪厨 明詩話黃冠吳少君巧於製器嘗煉白堊為  
竈名玉雪厨

元明事類鈔卷三十

欽定四庫全書

元明事類鈔卷三十一

監察御史姚之駟撰

飲食門

茶

貢茶芽 元史常湖二路茶園提舉掌園戶二萬三千  
有奇採摘茶芽以貢內府又平江路有權茶提舉建  
寧北苑武夷有茶場提領

蓮花茶 雲林遺事元鎮作蓮花茶於日初出時就蓮  
蕊畧破者以指撥開入茶滿中麻絲縛札經宿摘之  
取紙裹晒如此三次

雲芝 劉秉忠嘗雲芝茶詩鍊色皺皮帶老霜含英咀  
美入詩腸舌根未得天真味鼻觀先通聖妙香

清泉白石 雲林遺事元鎮好飲茶在惠山中用挾桃  
松子肉和真粉成小塊如石置茶中名曰清泉白石

茶

鸚鵡茶 元劉詵詩鸚鵡茶香分供客茶藤酒熟足娛

親

納石 元楊孚詩瓊房納石茶添火自注納石鞞鞞茶

名

暗香湯 元陳深集南湖史君置暗香湯奇甚賦詩求  
之有元霜只許雲英見地上詩人渴夢生之句

瓊芽 元黃縉集灤陽邢君製芍藥芽代茗飲號曰瓊

芽先朝嘗以進御

岍賞皂 馮夢禎漫錄李于鱗為吾浙按副徐子與以  
岍茶最精者餉之比看子與昭慶寺問及則已賞皂  
役矣蓋岍茶葉大多梗于鱗北士宜不遇耶

松蘿晚出 李本寧集茶產非一地事非一朝而新安  
松蘿晚出名冠天下明許次惇茶疏歛之松蘿吳之  
虎邱錢塘之龍井香氣濃郁並與岍頡頏

葉茶 李日華集前元扞馬潼茶無所聞入昭代惟貴  
葉茶餅製遂絕

急扇重揉 聞龍茶箋松蘿法炒茶時須一人從旁扇  
之以祛熱氣否則黃色香味俱減既出鐺仍須急扇  
令氣稍退以手重揉之再散入鐺文火炒乾蓋揉則  
其精上浮點時香味易出

龍泓為最 田藝衡煮泉小品武林諸泉惟龍泓入品  
而茶亦龍泓山為最虞伯生詩但見瓢中清翠影落  
羣岫烹煎黃金芽不取穀雨後姚公綬詩品嘗顧渚  
風斯下零落茶經奈爾何則風味可知矣

喊泉亭 武夷山志山四面有御茶園每歲驚蟄有司致祭令衆鳴金鼓齊喊曰茶發芽旁有通仙井旋即漸滿以此造茶異於常品造畢泉亦漸縮温都爾建喊泉亭

虎丘淡遠 西湖枝乘余嘗品茗以武夷虎丘第一淡而遠也松蘿龍井次之香而艷也天池又次之常而不厭也

撥茗還金 語林鄭曉嘉靖中為選郎有餽金者上覆



以茗公謂茗也受之夫人撥茗見金擊柝語公急整茗如初歸之

不得碾揉 七修類稿洪武中詔天下產茶之地歲有定額以建寧為上聽茶戶採進勿預有司茶名有四探春先春次春紫筍不得碾揉為大小龍團

羅峴 茶疏近所尚茶為長興之羅峴介於山中謂之峴羅氏隱焉故名羅紫桃軒雜綴羅山廟後峴以兄虎邱則有餘以父龍井則不足

富貴事 聞雁齋筆談茶之知已在水然非煮之茶竈  
茶爐則不佳故曰飲茶富貴之事也趙長白生平無他幸  
但不曾飲井水此老於茶可謂能盡其性者

斷烟火氣 煮泉小品茶之團者片者多損真味不若  
今之芽茶也生晒者更近自然且斷烟火氣

茶具 羣芳譜器具雅潔茶更生色今姑蘇之湯注時  
大彬之沙壺汴梁之錫鈔湘妃竹之茶竈宣成窑之茶  
蓋士大夫皆為之珍重唐宋以來茶具之精未能及之

求茶市 明紀事本末 諳達求茶市 巡茶御史李時成  
上言曰 諳達意不在茶 在得番人耳 番人一日無茶  
則病且死 是其命懸於中國 脫以茶市假諳達彼此  
合一患可勝道哉

不善焙茶 滇行紀畧 城外石馬井水無異 惠泉感通  
寺茶不下 天池伏龍 特此中人不善焙茶耳

槍旗短 高啓詩 雲過溪山碧 雲暖幽叢半吐槍 旗短  
冰絲 王世貞謝人惠茶詩 中冷新水潑冰絲 瀉向宣

州雪白甕念爾欲澆詩思若干山綠竹曉衙時

雨前掇 明貝瓊題烹茶圖詩春風一旗色尚活建溪

山人雨前掇

青箬紫砂 徐渭謝人惠虎邱茗詩青箬舊封題穀

雨紫砂新確買宜興

交淡戰肥 陳繼儒試茶竹爐幽討松火怒飛水文以

淡茗戰而肥

酒

酌大卮 元史世祖宴羣臣於上都有不能酌大卮者  
免其冠服

賜酒益壽 元史類編察罕拜叅知政事帝嘗賜枸杞  
酒曰以益卿壽

飲三爵 元史部長奉酒六尊於太祖時朔方未有酒  
太祖飲三爵而止曰是物少則發性多則亂性

腐鐵 元通鑑太宗嗜酒楚材諫不聽乃持酒槽鐵口  
進曰麴蘖能腐物鐵尚如此况五臟乎

翠濤飲 元氏掖庭記酒有翠濤飲露囊飲瓊華汁  
玉園春石凍春葡萄春鳳子腦薔薇露綠膏漿  
書酒誥 玉堂綱鑑元武宗時徵處士蕭郵為諭德入  
覲東宮書酒誥為獻以朝廷時尚酒也

十罌給傳 元史武宗重貝降會母卒奔喪時酒禁方  
嚴特命以酒十罌官給傳致墓所備奠

秋露白 元宋伯仁酒小史杭城秋露白西京金漿醪  
相州碎玉處州金盤露富平石凍春潞州珍珠紅

荔漿 陳基集夜夢從彥成飲曰此荔漿也子為我賦  
之當贈三百壺予口占一詩覺乃夢也及會彥成聞  
釀酒果名荔支漿以夢白之不覺失策馬祖常詩水  
甌蜂蜜溜酒榼荔漿翻

蓉城霞 王逢詩憶攜蓉城霞醉賞君山雪自注蓉城  
霞君山酒名

臘前春 元安南國王陳益稷謝賜酒詩仙醴釀成天  
上露宮壺分賜臘前春

牀頭留響 許有壬酒熟卧聞槽聲詩不忍撥醅甌甕  
面且教留響在牀頭

馬酒 耶律楚材乞馬乳詩天馬西來釀玉漿革囊傾  
處酒微香許有壬馬酒詩新醅撞重白絕品挹清元  
浴酒 明靳史石裕造酒數斛忽解衣入其中咨浴而  
出告人曰吾平生飲酒恨毛髮未識其味今日聊以  
設之庶無厚薄

荷花酒 暖媛由筆正德間朝廷開設酒館酒望云本



店發賣四時荷花高酒猶南人言蓮花白酒也

酒為生

徐禎卿集史百戶善飲晝夜沉醉其父絕之

久之病且死其妻泣曰汝素嗜酒今死矣然久不得  
飲薦一杯與爾永訣啟其齒以溫酒灌之須臾若有  
息者又灌之乃漸甦名醫張致和曰彼以酒為生也  
狀元酒量 羣賢彙語永樂中有交趾貢使飲量無類  
上令舉善飲者館款之曾狀元榮自請於上上曰卿  
量幾何對曰款此二使足矣不必盡臣量也於是飲

金定四庫全書  
卷三十一  
之二使赧謝去翌日謝恩上曰不論卿文學祇是酒  
量豈不作狀元耶更賜以酒

引口醪 椒宮遺事李淑妃性不愛酒高皇為設引口  
醪每宴特設以供妃

紅黃票 傍秋亭雜記內法酒總名長春有上用甜苦  
二色給內閣者以黃票學士以紅票

程酒如涇 王叔承集元美分守浙西書來謂烏程酒  
濁如涇黑若油也

舉觴瑟縮 宋濂集上賜觴頤臣曰卿宜更釀一觴臣  
固辭上曰一觴豈能醉人乎臣舉觴至口端又復瑟  
縮者三上笑曰男子何不慷慨因勉強一吸至盡顏  
面變頰精神飄忽若行浮雲

陪鹿鳴 談蒼毛尚書伯温常主湖廣鹿鳴宴諸生七  
十二人人陪二大白不醉

領醉鄉 明邱坦跋袁宏道觴政石公見酒琰輒醉乃  
欲以白衣領醉鄉乎夫披堅執銳非將不武而將將

者不然石公曉暢飲畧深入酒解糟邱霸業當與吾  
黨共推之

茉莉香 馮夢貞漫錄用酒佳者不滿瓶上虛三寸編  
竹為井字障瓶口新摘茉莉以線繫蒂懸之令離一  
指許用紙封固旬日香透矣

薏苡酒 鳳洲筆記薏州薏苡酒三屯營所造更勝清  
冽秀美出色香味之長

番酒 明史藁和蘭又名紅毛番萬厯時駕舟薄香山

灣以番刀番酒餽稅使求貢市

靈露飲 明紀事本末霍維華通於魏忠賢進仙方靈  
露飲其法雜取秬糯諸米淘洗入甑蒸之甑底安長  
頸大口空銀瓶一米旋添旋熟水漸熱漸易不數易  
而瓶中之露滿矣乃米穀之精也上飲而甘之及不  
豫忠賢歸罪於此以恚維華

二色酒 蘄史季元造二色酒白酒中有黑花斟於器  
中花亦不散中有肝石故也

紙甬溢 異林曾祭善飲啖張英國輔欲試之密使人  
圍其腹作紙甬置廳事後命蒼頭視公飲飲幾許如  
器注甬中公飲竟日甬已溢則注甕中又溢公神色  
不動

猩色酒 楊維禎詩段家橋頭猩色酒重典春衣沾十  
千

木瓜醞 宋漁集木瓜醞新筍

吳中白 陶望齡詩越酒苦醲醲瓊落珊瑚赤家傳蘇

氏方頗類吳中白自注子家造真一酒色味似三白  
長安酒 長安酒詩長安多美酒酒人食其名酒旗蔽  
馳道翔車相摩爭刁酒非沼水味薄甜如飴易酒釀  
天壇市酤安得清魏酒稍芬芳勁正乖典刑我性好別  
酒齒舌判渭涇對此寧不飲枯腸任雷鳴

酒芝 本朝鈕琇觚賸江右李太虛為諸生時嗜酒落  
拓家歲酒一罌內產一芝如盤紫光煜煜以為此瑞  
徵也顧酒敗不可飲奈何挹之則清冽異常是秋登

金定四庫全書  
卷三十一  
鄉薦明年成進士入詞館

水法麴材 王鏊酒熟志喜詩水法直教擔柳毅麴材

先已謝桐君自注特汲柳毅井泉為之麴不用藥

重碧輕紅 明程孟陽荔枝酒歌誰將巧意相和洩便

釀荔枝作春酒重碧輕紅兩有無萬里瑩然落吾手

暖銷春甕 邵寶雪酒詩光重夜杯如有物暖銷春甕

本無聲

醋交 語林何文肅喬新景泰中知温州夜乘小艇訪



虞徵君坐久索飲村居無覓處何曰雖酸醅亦可乃  
出新醞共酌劇談竟夕時稱何虞醋交

飯

新飯 吳澄詩棗梨秋熟供新飯元楊子善詩新飯軟  
炊菰米白濁醪香泛菊花黃

薄飯 顧璘詩薄飯時兼芝菌味

乞濕粟 玉堂叢話羅一峯家居偶留客飯不知絕糧  
也夫人乞隣得濕粟數升旋炒旋脫日已西矣一峯

不以為意

盛暑不餽 燕山叢談房山縣有石窩稻色白味香美  
以為飯雖盛暑經宿不餽

噉五升 王世貞集河南丁副使善噉一日宴于鄉紳  
家歸醉飽甚忽曰肉雖多不使勝食氣問厨有米乎  
量之得五升作飯噉至盡乃就枕

飯百官 明紀事本末早朝有遺書丹墀告劉瑾不法  
狀者瑾乃矯旨跪百官奉天門下時暑盛僵偃數人

至暮盡執三百餘人下詔獄長安鬻飯者爭飯百官  
于市中

糜

糜一器 元史王磐年方冠學于郾城客居貧甚日作  
糜一器畫為朝暮食

進盂粥 元通鑑仁宗聞哀奔赴至漳河值大風雪田  
叟以盂粥進近侍却之帝曰人苦不知稼穡艱難命  
取食之賜綾一匹

乳粥 楊允孚詩夜宿檀房月滿衣晨餐乳粥碗生肥

甜糜 元蒲道源詩春來暖透黃綾被老去甜歸白粲

糜

饌

秋風膾 元氏掖庭記武宗泛月于禁苑太液池薦蜻

蜓之脯進秋風之膾

聚霜煮羹 元史太祖西征在道絕汲赫魯晨起聚草

上霜煮羹以進詳見霜

琉璃肺 王惲琉璃肺詩犀筋喜辛忘海味霜刀爭割  
快牛心

紅玉髓 耶律楚材鹿尾詩濃色殷殷紅玉髓微香馥  
馥紫瓊漿

羊酥 貢師泰詩三山五月尚清寒新滴羊酥凍玉椀  
何物風流可相稱兔豪花淪水龍團

糟魚 王惲糟魚詩霜刀截斷玉腴芳暖貯銀罌釀粉  
漿錦尾帶頰傳內品金盤堆雪喜新嘗

馳蹄 柳貫詩勸客有馳蹄耶律楚材詩臘糴微浸軟

馳蹄

換舌羹 元氏掖庭記宮中以玉版尖及白兔胎作羹

味極佳名之曰換舌羹備載尤良名饌錄及高迪詩

序

頭腦酒 典故記聞舊自冬至後至春日殿前將軍甲

士賜酒肉名曰頭腦酒景泰時以大官度支不充罷

之

一飽吳饌 玉堂叢話張居正歸葬所過州邑上食水陸過百品猶謂無下箸處真定守吳普為吳饌以進居正甘之曰至此僅得一飽

平生三飽 談薈王鈺舉進士第二人善飲噉自云平生惟三飽嘗歸家外家享之極水陸之腴一使朝鮮噉芻豢皆殺蒸體一禮成奉天府上知其善噉盡撤御膳賜之

一七不及 明世說嚴介溪語徐存齋曰貴賤再相每

卷三十一  
閣中會饌不食大官供所攜酒肴甚豐飲器用皆黃金與某日共案而食某自食大官供寥寥單具相對垂二載未嘗以一匕見及

狔項不甘 見聞錄邱濬慕桑悅名嘗饋以狔項悅詣謝濬曰生甘狔項乎對曰使悅嘗尚方芍藥饌所不足甘而一狔項何殊草具哉

誤嚼駝峰 九朝瑩記解縉與呂震談及食中美味呂云駝峰珍美未之識也解云僕嘗食之洵美矣呂知



其誑已他日得一死象蹄踵語解曰昨有駝峯之賜  
宜共饗焉解因大嚼而去呂以詩嘲之

埋羹太守 王璉墓志璉自奉儉約一日見饌兼魚肉  
命埋之號埋羹太守詳見知府

煨蹄總憲 明史藁周應秋附忠賢得左都御史家善  
烹飪每魏良卿過進豚蹄留飲輒大歡時號煨蹄總  
憲

進百饗 談薈陽城王太宰國光飲噉尤偉切白肉作

欽定四庫全書  
卷三十一  
大饗每進必百饗飲必三斗

冰鴨銀苗 明秦徵蘭天啟宮詞冰鴨銀苗院院同自  
注宮中中元節食銀苗菜藕之嫩芽也冰鴨先一夕  
煮熟凝成膏者

進鮓 典故紀聞湖廣進魚鮓始于成化中鎮守太監  
進二千五百斤後增至二萬餘斤皆有司供之宏治  
初始命內官造辦如前數

芝饌 明張元凱西苑宮詞大官不進麒麟脯御饌惟

供五色芝

餅

銀絲滑 元好問詩湯翻豆餅銀絲滑油點茶心雪蕊

香

香三丈 方夔詩酒熟十千沽玉灌麪香三丈卷銀絲  
納餅傷膚 剪勝野聞太祖微時見愛于郭子興其子  
惡焉乃以他事幽之馬后竊以餅餌為遺一日煎餅  
釜中將修供為郭氏親信所窺遂納懷中膚有傷痕

餅高筋許 談薈王端毅恕年九十餘每晨起必食三  
大盃肉盃可一二斤熟菜一大碗麵餅二盤各堆高  
筋許

賜麥餌 嘉靖注畧初緣佛氏說每四月八日賜食不  
落夾上惡其名命于五日薦新麥于內殿因為麥餌  
賜羣臣食遂為歲例

劃地得餅 觚騰蒲城羅秀才遇一神僧傾小瓶藥如  
豆餅斷細竹數寸贈焉曰殷邦十五井鬼竒祿用此

乃免閱三載遇奇旱羅取藥向屈戌磨之便成黃金  
又以竹枝劃地成圈輒得胡餅一枚啖至三枚再劃  
則不成矣殷邦謂嘉靖十五即七八兩年而鬼井乃  
秦分野也

徑二尺 帝京景物畧京師于八月十五日為月餅月  
果戚屬相饋餅有徑二尺者

閣老餅 玉堂叢話邱文莊自製餅軟膩適口托中官  
進上食之喜命司膳效為之不中程俱被責因請之

邱不告以故中官曰此豈宰相事耶由是京師盛傳  
為閣老餅吳偉業說餅詩閣老膏環常對酒徵君寒  
具好烹茶

分餅 今言宗人載屬籍有分餅而膳者

雞粉溲麵 卓異記高皇欲食湯餅光祿治具不精多  
所誅戮言往時入一山寺中僧進湯餅甚佳今竟不  
能致遣使尋寺僧問法乃以嫩雞作粉溲麵為之使  
復命盡戮寺僧

博餅餌 陳繼儒集歸德大學士沈公年甚老甚健有  
門生故吏至則拉入杏花酒肆中或與鄉父老賭博  
餅餌勝負以為樂

餅須葱味 談薈李于鱗食蒸餅必須有葱味而不見  
葱

眉公餅 吳偉業詩餅師拒收山翁印自注眉公好說  
餅市者以為名眉公名動寰宇甚至鬻拒收市鹽豉  
者胥被以眉公之名無得免焉

春餅 申時行立春賜百官春餅詩紫宸朝罷聽傳餐  
玉餌瓊殽出大官

甘酥瑩雪 程敏政詩傳家麪食天下工製法來自東  
山東美如甘酥色瑩雪一出入口心神融

兩舉箸 談蒼揚襄毅公每噉麪一甌輒兩舉箸凡十  
六舉箸而罄八甌

糕

華月糕 元氏掖庭記武宗泛月於太液池酌元霜之



酒嚼華月之糕

榆錢糕 帝京景物畧京師四月以榆錢麩和糖蒸食之曰榆錢糕

花糕 帝京景物畧京師九月麩餅種棗栗其面星星然曰花糕

赤棗糕 高啓詩故園莫憶黃花酒內府初嘗赤棗糕  
燈圓 夏言上元賜喫圓子詩雕盤露甲絲絲細玉盃  
霜團顆顆圓明顧清以燈圓餉人詩梅欲鬪圓忙著

鈔元四庫全書  
卷三十一  
意雪如爭巧故成團

粉丸 莫寬粉丸詩淨淘細碾玉霏霏萬顆完成素手

稀

腐

賣腐 明張定在田錄上皇以賣腐為生皇覺寺一寺  
僧衆爭來買之

炕腐 李日華蓬櫬夜話許文懿公在中書遇不得意  
輒投其筆曰人生幾何乃舍吾鄉炕腐而食煤火肉

耶蓋箬山一王老以砂鍋炕腐成片鶩之味獨勝也  
人因此目為許閣老腐

都豆腐 獻徵錄都僉事歷官六十餘年自奉甚儉日  
惟豆腐一味人以都豆腐稱之

百里市腐 獻徵錄張三丰寓德安太平山將辭去父  
老登山為別三丰揖衆使坐市豆腐一提歸曰此提  
板乃唐邑西關王宅物為我還之至問王宅市豆腐  
時父老登山日也唐邑去太平山百四十里回覓三

金定四庫全書  
卷三十一  
丰不知所在

菽乳 明孫作集豆腐本淮南王安所作惜其名不雅  
今改字菽乳為賦以詩

糖

求沙糖 元史廉希憲有疾醫言須用沙糖作飲時最  
艱得阿哈瑪特與之二斤希憲却之曰使此物果能活  
人吾終不以奸人所與求活也

糖霜 元洪希文糖霜詩攜來已見堅冰漸嚼過誰傳

餐玉方

卷三十一

元明事類抄卷三十一

世宗皇帝御製

元明事類抄

卷三十一

元明事類抄

元明事類抄

元明事類抄

元明事類鈔卷三十一

欽定四庫全書

元明事類鈔卷三十二

監察御史姚之駟撰

蔬穀門

禾

却瑞禾 元史河東守獻嘉禾大臣欲奏以為瑞布呼  
珠曰汝部內所產盡然耶曰惟此數莖耳曰如此則  
何足為瑞遂罷遣之

繪嘉禾圖 元通鑑仁宗時河間有獻嘉禾異畝同穎

及一莖數穗者命集賢學士趙孟頫繪圖歲諸秘書

秋耕 元史至大中申命大司農總挈天下農政除牧

養之地其餘聽民秋耕蓋秋耕之地俺陽氣於土中

蝗蝻遺種皆為日曝死次年所種每倍常禾

浴種禁蝗 元典章取臘雪煮馬骨放水冷浴諸種子

生苗蝗亦不食

禾出廳事 元史尉遲德誠為家令司丞廳事前有粟



苗不種而萌偶出一莖雙穗衆以為嘉禾

孕青 元李孝光詩稻盡秋田孕更青

禾三節 卓異記四明儒者名見高皇聞其業農也問  
曰卿亦知禾麥之節有不同乎對曰禾三節而麥四  
節是不同也上曰何也對曰禾播種于春至秋而獲  
凡歷三時故三節麥則歷四時故四節上曰能知稼  
穡之艱難者即擢知州

一夕稻 王世貞集學士官京師曇陽師室前生豆麥

之屬殆遍學士試謂師如燕中不能稻何一夕而稻  
生俄而並寔

內苑嘉禾 明紀事本末嘉靖中內苑獻嘉禾一莖三  
穗者兩穗者三十有一羣臣表賀

一本百莖 湧幢小品正德六年如皋縣嘉禾一本有  
至百莖者其一本二十莖者尤多

穀長寸許 本朝東軒主人述異記崑山顧瑞屏之父  
好道入天台見一人挑稻穀一擔其行甚速異而就之

見穀赤色長寸許因拜求之主僕各與一粒令即食  
之後顧翁年八十餘遇亂不食而逝僕九十餘歲順  
治間尚在

北方佳品 羣芳譜稻一名秣南方以為常食北方以  
為佳品

五日結穀 平陽縣志萬厯辛卯民有田六畝同時揀  
秧中三畝勃然奮發五日即結穀收成

試嘉禾 吾學編李賢試嘉禾詩尚書郭璉奇賢輔相

金定四庫全書  
卷三十二  
才授主事詳見識鑒

不知稻草 明史藁左光斗出理屯田大興水利北人始知藝稻鄒元標曰三十年前都人不知稻草何物今所在皆稻種水田力也

禁種糯 典故紀聞太祖常禁種糯以塞造酒之源

海水占 瓊州府志瓊州人以海占年曰海水熟穀不結海水涼禾登場

揚雪耕耘 一統志雲陽界稻十一月下種揚雪耕耘

次年四月熟

虎掌稻 羣芳譜虎掌稻赤穰稻蟬鳴稻俱七月熟

麥爭場 羣芳譜稻一種名麥爭場三月種六月熟食

新者爭市之

指白蒿 王穉登集三吳下濕之地昊天降凶有司恬

嬉莫恤及其被牒行郊則指白蒿為黃茂望蒼葭為

嘉禾

鑷札札 高啟看刈禾詩往獲安可後相催及秋晴父

欽定四庫全書  
卷三十二  
子俱在田札札鑣有聲

為瑞為妖 明許國嘉禾賦有禾芊芊名盛之年飛紫  
芒于堯陌垂金粟於舜田以此為瑞瑞何疑焉若夫  
帝澤未流嘉禾幸穰搖盲颺以扶踈潤恠雨而愛藹  
出非其時是乃妖類

吳苗渴 湯顯祖詩吾鄉有再熟蟬鳴即新糈吳苗苦  
遲立似渴白露雨

擊鼓插秧 明朱隗詩傍舍秧齊聞擊鼓自注北方皆

敲鼓插秧

龍門三穗 解縉嘉禾頌  
洪武乙亥秋穀登朔方龍門  
嘉禾生三穗二穗交兩騰異本同穎同敷榮蕊珠金  
粟隔露凝親藩錫貢來神京

麥

麥蠶圖 元史英宗詔畫麥蠶圖於鹿頂殿壁以時觀  
之可知民事

歲萬石 元綱鑑王文忠磐世業農歲得麥萬石號萬

石王家

麥當芽 元史胡長孺為寧海簿羣嫗聚浮屠菴一嫗失其衣適長孺出鄉嫗訟之長孺以牟麥置羣嫗合掌中命遶誦佛書長孺閉目叩齒作集神狀且曰盜衣者行數周麥當芽一嫗屢開掌視長孺指縛之還所盜衣

四穗 元本紀世祖時東平府進瑞麥一莖二穗三穗四穗各一本



磨樓 輟耕錄尚食局進御麥麵其磨在樓上于樓下  
設機局以旋之驢畜之蹂踐人役之往來皆不能及  
乃巧匠瞿氏所造

粃麩 許有壬粃麩詩坡遠花全白霜輕寔便黃杵頭  
麩退墨磴齒雪流香

履麥草 泳花編呂祭酒柙日危坐誦書嚴寒則履藉  
麥草夜以繼日

火尅金 空同子麥種於秋而焦于夏火尅金也麥穗

直而芒有兵象焉

不受瑞 陵川集初置屯田甸人進麥有八穗一莖者  
衆以為瑞太弟不受

瑞麥薦廟 明寔錄太祖時盱眙民進瑞麥一莖二穗  
者十六本御史達魯與權言瑞麥產於帝鄉宜薦之  
宗廟以彰祖宗之神靈從之

南麥日花 蚓菴瑣語北地之麥日中吐花江南麥花  
夜放明末南麥花多日開蓋地氣自北而南也

九穗 西安志宣德時嘉麥生茂陵一莖九穗

五岐 劉基瑞麥頌爰有嘉麥一本五岐布葉萋萋結  
寔離離既齊既平先百穀成擢穎揚芒金交翠英

麥花香 麻九疇詩筍輿歸路麥花香

寒隴濤 申時行麥浪詩晴畦錦漾千層穀寒隴濤生

四月秋

粉麥 宋濂詩粉麥白如玉貿易入南城

米

圓米 元史內府食用圓米特爾克奏曰計粳米一石僅得圓米四斗請自今非御用止給常米從之

十二券 方回苦雨行序丁亥天雨不止米價十二券至二十券市絕糶

早私 方回詩炊白早私香

肩米 熊鉉詩老農肩米肉成瘡

白中日產 燕山叢錄宛平縣史家營山有石如白昔有仙人居此白中每日產米隨寺中多少取給不乏

後有僧厭其險峻鑿石穴通之穴成而米絕

呼仙生粒 泳化編李景隆善遇張三丰既別遺一蓑  
一笠曰公後當有橫禍絕粒急難時可披蓑頂笠遶  
園呼我靖難兵至景隆幽于家糧垂絕乃如言呼之  
忽前後園皆生穀不逾月而熟食之得不死

米成粉 宋濂集王毅字剛叔少時父使視春溪濱毅  
挾冊坐輜車間春既久則米成粉尚哦不輟父怒遂  
之後成名儒

白糧 萬厯注畧光祿卿奏白糧民運甚苦蓋白糧本  
供御食及各宮之膳乃每年壓軍糧舟後常至守東  
冬春 菽園雜記吳民計一歲食米至冬月春白以蓄  
之名冬春米蓋以開春農務少暇且恐春氣動則米  
芽浮起易碎冬月米堅折耗少故及時春之

銀賤金貴 戒菴漫筆稻花白而瓣少者米賤多而色  
黃則貴俗云銀花賤金花貴也

檀香粒 明詩話黃冠吳少君常以白米置冬春困中

令微黃號為檀香粒

穀化錢 李日華集輓村主人其先嘗歲穀十餘屋一日發之悉化為錢又復禁閉迨其孫開視錢栩栩飛出一一貼壁拂之不下俄為字一一都是好文

天雨穀 談薈莊烈帝五年姑孰天雨穀粒比常稻加長差點黑耳

盈寸 湧幢小品暹國稻其粒盈寸

老米 劉侗詩老米青煤明日客片時和哄可憐身

雨春風播 楊基新米詩雨春風播落寒芒照眼明珠

絕糠粃

海米 方孝孺海米行海邊有草名海米大非蓬蒿小

非薺煮米為飯充朝飢性命聊假須臾時

黍稷

黍成字 元史至元時有黍自生成文紅楷黑字其上

節云天下太平其下節云天下刀兵

雨黍 羣芳譜成化元年天雨黑黍于襄陽



先熟 羣芳譜稷米似粟而大色黃先於麥熟後於  
米熟

蜀秫 農政全書蜀秫在北方地不宜麥禾者乃種此  
尤宜下地

釀酒 李時珍本草秫即梁米粟米之黏者有赤白黃  
三色皆可釀酒

豆

蝗不食苗 元典章蝗不食豆苗勸民多種豌豆

惡肥 方回詩茄藤宜硬地豆莢惡肥田

摘綠 羣芳譜綠豆早種者名摘綠可頻摘也遲種者名拔綠一拔而已

耐陳 農政全書元扈先生曰豌豆與蠶豆各種蠶豆之利十倍于豌豆其耐陳則一也

雨豆 雙槐歲抄宏治乙卯點歛雨豆隆慶六年陝西西寧衛天降黑豆徧地人食之則氣悶

吞豆 荆湖近事李守愚侵晨汲井華水吞黑豆五七

粒謂之五臟穀至老視聽不衰

紅豆 羣芳譜赤小豆一名紅豆

豆結緣 帝京景物畧四月八日捨豆兒名曰結緣先是拈豆念佛一豆佛號一聲有念豆至石者至日熟豆捨之人亦念佛啖一豆也

人面豆 筠廟偶筆明末余親見人面豆豆黃色鬚髯眉目如生萼鄉贅筆莊烈帝末年臨淮民家豆數斛悉變人首狀有老者少者或如哭泣及類婦人者數

日仍復豆形

芽菜 明陳焜豆芽菜賦有彼物兮冰肌玉質予不入  
于污泥根不資于扶植金芽寸長珠蕤雙粒宛訝白  
龍之鬚髻髻春蠶之蟄狂風疾雨不減其芳重露嚴  
霜不雕其寔

白花青蔓 王穉登種豆詩白花青蔓高於屋夜夜寒  
蟲金石聲

豆角 吳寬詩短籬垂豆角破壁上苔衣

白豆花 高啟詩白豆花開片雨餘

菜

屋址生菜 輟畊錄揚州至正時兵燹之餘城中屋址  
徧生白菜大者重十五斤小亦不下八九斤有力人  
纔負四五窠耳

菜本肥 虞集詩玉膾新嘗菜本肥

土銼烹熬 元洪希文菜羹詩筠籠採擷朝晡供土銼  
烹熬雨露香

菜窩 劉基集菜者采也君子之所采也或謂之蔬焉  
蔬者疏也食梁肉者之所疏也君子所采而食梁肉  
者疏之庶幾可以裕我乎吾廬窠也請名之曰菜窩  
藤花菜 明史藁師遠事母孝母疾思藤花菜遠出城  
二十餘里求得之及歸夜二鼓道遇虎遠驚呼虎捨  
之去持還奉母母疾遂愈

疏介夫 沈周疏介夫傳介夫姓疏名介介有薑桂之  
性愈老愈辣其族有大小之異

園蔬獨茂 明季遺聞熊文燦駐節襄陽於後圃種蔬  
日用數十人灌溉時旱郡邑申文祈雨文燦批牘尾  
云園蔬茁茂禾苗何以獨枯不過奸民為逋糧地耳  
其設施類如此

刺畫菜 王世貞集句容令徐九思生平不嗜肉惟噉

菜佐脫粟又嘗圖一青菜於堂曰古不云乎民不可  
有此色士不可無此味及罷去父老刺所畫菜并肖  
像而尸之

金定四庫全書  
卷三十二  
黃芽 王世懋瓜蔬疏燕地黃芽可稱菜中神品羣芳  
譜燕京圃人冬則以菜入窖壅培不見風日長出苗  
葉皆嫩黃色脆美無滓謂之黃芽菜

鸚鵡菜 羣芳譜菠薐一名赤根菜一名鸚鵡菜

看麥娘 明滑浩野菜譜有看麥娘燕子不來香芡兒  
菜羊耳秃等名

真珠菜 黃山志真珠菜蔓生芽端綴一二莖圓白如  
珠葉脆綠如茶連莖葉腊之香甘鮮滑



雪裏蕪 明屠本峻野菜箋四明有菜名雪裏蕪冬月  
雪深諸菜凍損此菜獨青

高河菜 雲南志菜出點蒼山高河中莖紅葉綠味甚  
辛辣採之若高聲則雲霧驟起風雨猝至蓋高河龍  
湫也

連理菜 李東陽集舟人有採蔬者問其名曰連理菜  
感而作詩汀人採芳至物好名亦好所恨舟中人不  
如沙中草

箭捍 王世懋集古稱秋末晚菘竟無定說大都今之  
冬菜如郡城箭捍菜之類

紺牙紅甲 明徐賁答人送菜詩隙地知君手自栽紺  
牙紅甲雨中開

芥屑 耶律楚材詩芥屑差辛類薑桂

異鄉菜 明歐大任除夕寓九江詩燭銷深夜酒菜簇  
異鄉盤

葷

玉釘 袁桷上京詩摩姑綴玉釘

沙茵 許有壬沙茵詩牛羊膏潤足物產借英華帳脚  
駢遮地釘頭怒戴沙自注沙茵喜生車帳卓歇之地  
每環迹而生

採天花 潘之恒廣茵譜天花葷即天花菜出五臺山  
形如松花而大白色食之甚美典故紀聞成祖云往  
年曾命內使往山西採天花菜甚悔之案宋朱弁詩  
地菜方為九夏珍天花忽從五臺至則天花自宋已

著然至明方以進御

一本一縑 五臺山記山盡名林僧苦荒付之一炬得  
雨之後精氣怒生菌如斗壯所云天花者也牧兒得  
一本輒易一縑

榆肉 李日華筆記古北口有榆肉畧如蘑菇而稍大  
煮熟其大又倍聶切之味如肉或云生樹間或云產  
石上

竹菇 王穉登荆溪疏竹菇蕈也小如錢赤如丹砂生

以二月不獨竹下風味極佳當為伊蒲第一

飢食羊肚 明史能仁新城示百姓詩上天降甘露徧  
地生羊肚飢食羊肚菜渴飲甘露乳涕泣告吾民慎  
勿去鄉土

知名采鬻 明舒頊蕈賦序蕈非一種有松花蕈蛤蕈  
肉蕈香蕈竹菇之屬樵夫豎子知其名采鬻於市不  
知名者食則殺人

采菇 李夢陽詩衆星欲沒月模糊人家河上起相呼

相呼相喚采秋菇問渠早起緣何事此草日出化作  
田中枯

雞墖 廣菌譜雞墖蕈出雲南生沙地間丁蕈也高脚  
繖頭土人采烘寄遠楊慎謝人送雞墖詩仙人近住  
華陽洞分得瓊英一兩枝

穿苔破蘚 明史遷菌子詩穿苔破蘚釘戢戢如蓋如  
芝萬玉立

韭

韭黃 耶律楚材詩細剪萹蒿點韭黃

野韭 許有壬韭花詩西風吹野韭花發滿沙陀

為君 劉基菜窩說天地久其道而萬物生故植韭以  
為之君韭者久也所以久吾性也

匍匐持韭 獻徵錄左吏部思忠年二歲時母安人每  
思韭即匍匐向園中手持韭向安人與之人皆驚異  
知其將來能孝云

薑

金定四庫全書  
卷三十二  
薑課 元史食貨志有薑課在興元路

紫芽薑 羣芳譜凡薑秋社前後新芽頓長

棗梨薑芥 明紀事本末宸濠奪官池布政張嶺不可

濠遣人饋以四菓則棗梨薑芥也嶺曰是欲我早離  
江西畧耶臣子受命行止豈人所能與濠聞之默然

葱

獨本 元史成宗時四川馬湖進獨本葱

葱白 耶律楚材詩勻和豌豆採葱白



沙葱 北征錄金剛阜地生沙葱皮赤氣辛明僧梵琦  
漠北懷古詩野蒜根含水沙葱葉負霜

蕨

蕨粉 元陳泰詩蕨澄澄新春食蕨留蕨根凌晨剷根  
暮春杵漉漉大瓮流黃渾常年春寒粉始凍誰信秋

暑霜翻盆

如脂 元郭鈺蕨詩紫芽初長粉如脂

蕨

青縷玉絲 謝宗可蓴詩冰毅冷纏有縷滑翠鈿細綴

玉絲香

穉蓴 羣芳譜蓴於三四月間嫩莖未葉細如釵股名  
穉蓴又名雉尾蓴體軟味甘

湘湖蓴 花史蕭山湘湖產蓴絲最美

西湖來去 明李流芳詩區區芋魁亦遭遇西湖蓴生  
人不顧李鷹之後有吾徒此物千年免沈錮自注袁  
石公盛稱湘湖蓴不知湘湖無蓴皆從西湖來去以

湘湖水浸之耳

衍棹太湖 明鄒新盛太湖采蓴引時汎太湖見紫蓴  
雜出蘋荇間訊諸榜人不識也行棹求之得數里許  
太湖無蓴採自予始

白蓴 四川志綿竹縣武都山上出白蓴菜甚佳  
蓴冰 陳繼儒詩蓴絲翠滴蓴冰滑

芋

細凝酥 馬臻詩飽霜紫芋細凝酥

芋塹 玉堂閒話閣阜山一寺僧種芋歲收極多杵之  
如泥造塹為墻後遇大飢獨此寺僧賴芋塹以活  
不忍食芋 明張元忬集范瓘至孝母嗜芋母歿終身  
不忍食芋

椒

地椒 許有壬地椒詩凍雨催花紫輕風散野香刺沙  
尖葉細敷地亂條長楊允孚詩地椒生處乳羊肥

私發寄椒 枝山前聞鄉先生盛起東嘗夜夢有人寄

椒於家急欲椒遂私發用之既自覺深咎曰豈吾平日義心不明以致此耶迄不能寐

蘿蔔

脆如梨 許有壬咏蘆菔詩熟餐甘似芋生薦脆如梨  
自邊塞來 羣芳譜蘿蔔有黃赤二種元時始自邊塞  
中來故名胡蘿蔔

瓠

剪標 范梈集或言種瓠蔓長必剪其標乃寔余齋所種

因樹蔓緣果多虛花欲去之慮傷其凌霄之意因賦一詩  
瓠瓜亭 雜錄元趙叅謀禹卿瓠瓜亭在城東禹卿日種瓠  
以製飲具當時目曰趙瓠瓜王惲詩君家瓠瓜盡樽彝  
遶屋匏 明詩詒巢孝廉鳴盛肥遯山林遶屋種匏大  
小凡十餘種長如鶴頸纖若蜂腰杯杓之外室中所需  
莫非匏者遠近爭效之

細腰 李時珍本草細腰者今之藥壺盧也廣志謂之  
約腹壺

瓜

雪中瓜 元史王薦福母病渴時冬月求瓜不得行至  
深輿嶺值大雪避樹下仰天而哭忽見巖間青蔓有  
二瓜焉因摘歸母食之渴頓止

馬首瓜 耶律楚材西域詩飽啖雞舌肉分餐馬首瓜  
自注土產瓜大如馬首

粘碧指紅 元方夔食西瓜詩縷縷花衫粘唾碧痕痕  
丹血指膚紅

金定四庫全書  
卷三十二  
臘半瓜 耶律楚材記西遊詩留得晚瓜過臘半歲來

秋果到春殘

二寔共蒂 獻徵錄汧陽王至孝父端懿王墓上嘉禾  
生一本雙穗嘉瓜二寔共蒂

暑不食瓜 筆塵海豐楊太宰魏純孝母年百歲餘猶  
朝夕上食躬嘗以進冬月病思西瓜走四方覓致至  
則不及飯舍公以此不食西瓜暑月渴甚飲水而已  
噉擔瓜 獻徵錄尹蓬頭入市人戲買擔瓜贈之噉瓜



立盡詳見仙

名食瓜 近峯聞畧文皇將靖難以六月十一日召三  
司諸官出西瓜食因責以離間事執都指揮謝貴布  
政張曷殺之宸濠將謀不軌亦以六月十一日出西瓜  
與羣官共食執都御史孫燧副使許達殺之

嘉瓜 宋濂嘉瓜頌序洪武五年六月嘉瓜生于句容  
張觀之園雙寔同蒂圓如合璧紺色交潤

駢寔璧文 方孝孺集東陽蔣氏菽瓜之圃得異瓜焉

金定四庫全書  
卷三十二  
並蒂而駢寔紺色而璧文或曰此祥也

乾條遺人 學圃餘疏甜瓜以香而小者為第一涼州  
塞外作乾條遺遠人味極甘

花瓜 帝京景物畧京師七夕以瓜雕刻成花謂之花  
瓜

經歲變黃 松漠紀聞西瓜形如扁蒲色極青翠經歲  
則變黃色甚甘脆今禁圃鄉圃亦有但不能留經歲  
耳

長四丈 廣東志崑崙山冬瓜延蔓蒼藤徑寸寔長三  
四丈大踰圍

絲可滌器 羣芳譜絲瓜至九月已老瓢絲如網可滌  
器

二月王瓜 王世懋集王瓜燕京者佳種之火室中逼  
生花葉二月初即結小寔中官取以上供閩中則二  
三月食之入夏即枯

肥綠壓肩 陳憲章詩兩頭肥綠壓肩斜五月江園始

送瓜

獄中生 楊繼盛和商中丞獄中生瓜詩天意昭殊節  
犴庭產異瓜可憐成寂寞徒自吐英華

諸蔬

種苜蓿 元史至元中頒農桑之制令各社布種苜蓿  
以防飢年

番薯 明徐元扈甘薯疏番薯較山薯獨甘海外人不  
令出境有人取諸絞入汲水繩中因得渡海分植

香凝石髓 明劉崧嘗山藥詩味益丹田暖香凝石髓

春

低矮歲身 董其昌紫茄詩纍垂貪結子低矮巧歲身

被攏干葩赤連畦萬顆勻

八角苗 羣芳譜苗香自番舶來者寔大如柏裂則八

瓣一瓣一梗黃褐色味甜俗呼舶苗又曰八角苗

玉環 野菜箋甘露草生何闌珊堪綴步搖照玉環所

以因名玉環菜一嚼蕭爽齒牙間

覓褒薇怨 徐賁菜藟詩 覓褒蔡守清薇怨周節逆

元明事類鈔卷三十二